



29 APR, 2024

## Lapan tan harumanis dibawa khas dari Perlis

Sinar Harian, Malaysia

Page 1 of 2

### Lapan tan harumanis dibawa khas dari Perlis

**KUALA LUMPUR** - Produk pertanian yang sinonim dengan Perlis, harumanis dan produk makanan berasaskan mangga antara tarikan utama pada penganjuran Agrofiesta 2024 yang berlangsung di sebuah pasar raya di sini.

Lembaga Pemasaran Pertanian Persekutuan (FAMA) memaklumkan, lapan tan metrik harumanis dibawa khas dari Perlis sempena penganjuran program itu selain produk industri makanan dan asas tani (IMAT) seperti aiskrim, tart dan pulut harumanis, coklat mangga serta mango shake.

"Agrofiesta 2024 menyediakan 30 lot jualan yang memberi manfaat kepada 17 usahawan. Program ini menyasarkan kehadiran pengunjung seramai 25,000 orang dengan nilai jualan usahawan sebanyak RM500,000 selama tiga hari," menurut FAMA menerusi kenyataan di sini pada Ahad.

Majlis perasmian Agrofiesta 2024 disempurnakan Ketua Setiausaha Kementerian Pertanian dan Keterjaminan Makanan, Datuk Lokman Hakim Ali.

Selain harumanis, program

yang berlangsung di AEON Alpha Angle Wangsa Maju selama tiga hari bermula Jumaat itu turut mengetengahkan produk pertanian lain seperti mangga sala, pomelo, nangka madu (J33), jagung manis dan pulasan.

Penganjuran Agrofiesta 2024 yang menyediakan platform pasaran dan promosi kepada produk pertanian tempatan adalah selaras dengan peranan FAMA selaku agensi peneraju utama pemasaran produk agromakanan, selain memperluaskan saiz pasaran bagi memastikan produk pertanian dan IMAT mudah diperoleh.

"Agrofiesta 2024 juga merupakan platform memberi pendedahan kepada usahawan ke arah mempertingkatkan tahap keusahawanan dan daya saing serta menarik minat usahawan muda menceburi bidang pemasaran berasaskan pertanian.

"Walaupun trend usahawan hari ini lebih ke arah pendigitalan, program jualan dan promosi secara fizikal juga tidak dinafikan mampu memberikan impak lebih tinggi," menurut kenyataan itu. - *Bernama*

FOTO: FACEBOOK PROMOSI FAMA



Pengunjung membeli buah mangga harumanis sempena program Agrofiesta 2024 di Kuala Lumpur.



29 APR, 2024

## Lapan tan harumanis dibawa khas dari Perlis

Sinar Harian, Malaysia

Page 2 of 2

### SUMMARIES

KUALA LUMPUR - Produk pertanian yang sinonim dengan Perlis, harumanis dan produk makanan berasaskan mangga antara tarikan utama pada penganjuran Agrofiesta 2024 yang berlangsung di sebuah pasar raya di sini. Lembaga Pemasaran Pertanian Persekutuan (FAMA) memaklumkan, lapan tan metrik harumanis dibawa khas dari Perlis sempena penganjuran program itu selain produk industri makanan dan asas tani (IMAT) seperti aiskrim, tart dan pulut harumanis, coklat mangga serta mango shake.